

Mensahe 11

**Apostasiya, ang Habog nga Mga Dapit,
ug ang Pagpahiuli sa Tinuod nga Sukaranan sa Pagkausa**

Basahong Kasulatan: 1 Hari 12:25-33; 13:33-34; Deut. 12:2-18

- I. Ang apostasiya ni Jeroboam maisip nga hulagway sa apostasiya sa Cristianidad karon—1 Hari 12:25-33; 13:33-34:**
- A. Nagpasabot ang apostasiya sa pagbiya sa paagi sa Dios ug paggamit og laing paagi aron mosunod sa mga butang gawas sa Dios, ug pagbuhat kinig mga butang para sa kaugalingon sa ngalan ni Jesucristo ug sa pasumangil nga nagsimba sa Dios—Buh. 9:2; 18:26; 2 Ped. 2:2, 15, 21; Jud. 11; Huk. 18:30-31.
 - B. Naglakip sa lima ka butang ang apostasiya ni Jeroboam:
 - 1. Naghimo si Jeroboam og duha ka nating baka nga bulawan (mga diosdios), nga gibutang ang usa sa Bethel ug ang usa pa sa Dan, aron ipasimang ang katawhan sa pagsimba sa Jerusalem, sa ingon niana naglapas sa gitudlo sa Dios nga dunay usa ra ka bugtong-talagsaong sentro sa pagsimba sa Balaang Yuta aron maampingan ang pagkausa sa mga anak sa Israel—1 Hari 12: 26-30; Deut. 12:2-18.
 - 2. Nagtukod si Jeroboam og templo didto sa habog nga mga dapit ug nagtudlog mga sacerdote gikan sa kasagarang mga tawo nga dili iya sa banay ni Levi—1 Hari 12:31; 13:33b; 2 Cron. 13:9.
 - 3. Nagtudlog pista si Jeroboam sa ikanapulog limang adlaw sa ika-walong bulan (ang bulan nga gilaraw niya sa kaugalingon niyang kasingkasing), sama sa pista nga naa sa Juda—1 Hari 12:32a, 33b.
 - 4. Naghalad si Jeroboam og mga halad-inihaw sa halaran sa Bethel ngadto sa mga nating baka nga iyang gihimo, ug gibutang niya sa Bethel ang mga sacerdote sa habog nga mga dapit—vv. 32b-33a.
 - 5. Nisaka si Jeroboam sa halaran bisan dili siya sacerdote—v. 33b.
 - C. Ang apostasiya ni Jeroboam nahimong seryosong sala nga nakapalaglag sa tibuok niyang pamilya diha sa paghukom sa Dios ug sa kaulahian naghatod ngadto sa pagkabihag sa Israel—13:34; 14:7-11, 15-16; 15:29-30; 2 Hari 17:20-23.
 - D. Ang mga sentro sa pagsimba nga gipatindog sa “mga Jeroboam” karon sa pagkatinuod mga sentro man sa ambisyon:
 - 1. Ang mga pagbahinbahin sa Cristianidad gumikan man sa kahakog ug sa ambisyon.
 - 2. Kay nangambisyon man ang pila ka tawo nga makabaton og empiryo nga magtagbaw sa hinakog nga tinguha nila, wala nila tagda ang gipili sa Dios.
 - E. Sa pamatigayon sa Dios sa Bag-ong Tugon, gihimong mga sacerdote sa Dios ang tanang tinuod nga magtutuo, apan nagtukod ang nadaot

Mensahe 11 (sumpay)

nga Cristianidad og sistema aron itudlo ang pipila ka magtutuo nga moalagad sa Dios, naghimo nilang herarkiya sa klerigo ug nahimong kasagaran ang ubang magtutuo; apostasyanhong batasan kini, nga dumtan ug isalikway gyod nato—1 Ped. 2:9; Bug. 1:6; 5:10; 2:6, 15.

- F. Kay napuno na man sa apostasiya ang Cristianidad karon, nagkinahanglag pagpahiuli ang Ginoo—ang pagpahiuli sa kinabuhi ug kamatuoran—Jer. 2:11, 13, 19; Bug 2:6, 15; 1 Juan 1:1-2, 5-6; Juan 18:37b; 10:10b.
- G. Ang pagsangkap sa kinabuhi ug ang pagpadayag sa kamatuoran maoy mga tambal-igsumpo nga gigamit sa mga apostol batok sa apostasiya ug sa pagkadaot sa iglesia—1 Juan 1:1-2, 5-6; Juan 18:37b; 10:10b; 2 Ped. 1:3-21; 2 Tim. 1:1, 10; 2:15, 25.

II. Aron mapahiuli ug maampingan ang tinuod, malangkobon-sa-tanan nga pagkausa, gub-on gyod nato ang habog nga mga dapit—1 Hari 11:7-8; 12:26-33; 13:33-34; 14:22-23; 15:14; 22:43; 2 Hari 12:2-3; 14:3-4; 15:3-4, 34-35:

- A. Ang habog nga mga dapit mao ang mga dapit nga gisimbahan sa Gentil nga katawhan sa ilang mga diosdios.
- B. Sa pagsulod sa mga anak sa Israel sa yuta sa Canaan aron panag-iyahon kini, gisugo sila sa Dios nga gub-on ang tanang habog nga dapit sa kanasoran—Deut. 12:1-3:
 - 1. Ang pagpatindog og habog nga dapit pagbahinbahin man; busa, ang kahulogan sa habog nga mga dapit mao ang pagbahinbahin.
 - 2. Aron maampingan ang pagkausa sa katawhan sa Dios, gisugo Niya nga moadto sila sa bugtong-talagsaong dapit nga Iyang gipili; puli ning bugtong-talagsaong dapit ang habog nga mga dapit—vv. 8, 11, 13-14, 18.
 - 3. Sa 1 Hari, duha ka hari—si Salomon ug si Jeroboam—ang nanguna sa pagpatindog sa habog nga mga dapit, ang una tungod sa pagpasinunot sa pangibog ug ang ulahi tungod sa ambisyon—11:7-8; 12:27.
- C. Ibabaw nga dapit ang habog nga dapit, butang nga gipahabog labaw sa kasagarang pagkabutang:
 - 1. Nagpakita kini nga naglakip sa pagtuboy og butang ang habog nga dapit.
 - 2. Sa prinsipyo naglambigit ang matag habog nga dapit, ang matag pagbahinbahin, diha sa Cristianidad og pag-isa, pagtuboy og butang gawas ni Cristo—itandi sa Col. 1:18.
- D. Ang rekord sa pagtukod sa habog nga mga dapit sa panahon ni Salomon ug Jeroboam dunay espirituhanong kahulogan; gisulat kini aron matudloan ta sa espirituhanong bahin—Rom. 15:4-6:
 - 1. Ang habog nga mga dapit nga gitukod ni Salomon ug ni Jeroboam

Mensahe 11 (sumpay)

- nakadaot gyod pag-ayo sa sukaranan sa pagkausa—1 Hari 11:7-8; 12:26-33.
2. Diha sa iglesiahanong kinabuhi wala gyod unta tay habog nga mga dapit; tupong gyod unta hinuon tang tanan aron ituboy si Cristo—Col. 1:18; 3:10-11.
 3. Bisan unsang habog nga dapit, bisan kadtong gihalaran sa tinuod nga mga halad-inihaw, makadaot gyod sa sukaranan sa pagkausa.
- E. Ang pagguba sa habog nga mga dapit naglambigit sa tulo ka dagkong butang: ang mga dapit, ang mga larawan, ug ang mga ngalan—Deut. 12:2-3:
1. Sa espirituhanong pagkasulti, laglagon gyod nato ang tanang dapit gawas sa iglesia ug ang tanang ngalan gawas sa ngalan ni Cristo; nagpasabot kini nga laglagon gyod nato ang atong kultura, taras, gawi, mga batasan, natural nga mga kinaiya, mga gusto, relihiyosong kagikan ug ang impluwensya niini—tanang makadaot sa tinuod nga pagkausa—Gal. 2:20; 5:24; 6:14.
 2. Aron matuman ang pulong sa Colosas 3:11, hingpit gyong gub-on ang tanang laing dapit:
 - a. Laglagon gyod nato ang tanang dili iglesia uban ni Cristo.
 - b. Maanaa lang gyod unta ta sa iglesiahanong kinabuhi, nga nagpahimulos ni Cristo nga kadato sa maayong yuta—Deut. 8:7-9; Efe. 3:8.
 3. Naluya ang iglesiahanong kinabuhi tungod kay dili man ta gustong moguba sa habog nga mga dapit—1 Hari 15:14; 22:43:
 - a. Sa tawhanong kinabuhi ug kultura nato dunay daghang dapit nga nagpabilin, nga gub-onon gyod; gub-on gyod nato kining tanan ug moadto dayon ta sa bugtong-talagsaong dapit nga gipili sa Dios, sa iglesia—Gal. 5:24; Mat. 16:18.
 - b. Sa tanang dapit nga gub-onon, dunay hinalad nga haligi, simbolo, o larawan; sa karakter o taras nato naay ingon niana tingali nga mga haligi, mga simbolo, o mga larawan nga gub-onon gyod.
 - c. Dili mahimong naay bisan unsa diha sa iglesia kondili si Cristo ra; si Cristo gyod ang tanan ug naa sa tanan—Col. 1:18, 27; 2:2; 3:11.

III. Tungod sa apostasiya, habog nga mga dapit, ug mga pagbahin-bahin sa tibuok kakristianohan, kinahanglan gyong ipahiuli ang tinuod nga sukaranan sa pagkausa—Efe. 4:2-6, 13; Juan 17:11, 14-23; 1 Cor. 10:16-17:

- A. Segun sa diosnong pinadayag sa Bag-ong Tugon, inumol sa tulo ka mahinungdanong elemento ang sukaranan sa iglesia—ang tinuod nga sukaranan sa pagkausa:

MGA TALAMDAN SA PAGTUON-NGA-MAKAPATIN-AW

Mensahe 11 (sumpay)

1. Ang unang elementong nag-umol sa sukaranan sa iglesia mao ang bugtong-talagsaong pagkausa sa unibersohanong Lawas ni Cristo—Efe. 4:4:
 - a. Ginganlan kining pagkausahag “ang pagkausa sa Espiritu”—v. 3.
 - b. Kining pagkausaha ang giampo sa Ginoo sa Juan 17—ang pagkausa sa panagsagol sa nahikay nga Tulo-usang Dios ug sa tanang magtutuo ni Cristo—vv. 6, 11, 14-24.
 - c. Gipaambit kining pagkausaha nganha sa espiritu sa tanang magtutuo ni Cristo, sa pagpanganak pag-usab kanila sa Espiritu sa kinabuhi ug ni Cristo nga diosnong kinabuhi.
2. Ang ikaduhang elemento sa sukaranan sa iglesia mao ang bugtong-talagsaong sukaranan sa lokalidad diin naestablisar ug naana ang iglesia lokal—Buh. 14:23; Tito 1:5; Bug. 1:11.
3. Ang ikatulong elemento sa sukaranan sa iglesia mao ang realidad sa Espiritu sa pagkausa, nga nagpadayag sa bugtong-talagsaong pagkausa sa unibersohanong Lawas ni Cristo diha sa bugtong-talagsaong sukaranan sa lokalidad sa iglesia lokal—1 Juan 5:6; Juan 16:13:
 - a. Pinaagi sa Espiritu sa realidad, nga mao ang buhing realidad sa Diosnong Trinidad, matinuod ug mahimong buhi ang pagkausa sa Lawas ni Cristo.
 - b. Pinaagi ning Espirituha maaplikar ang sukaranan sa iglesia diha sa kinabuhi ug dili sa pagkabalaodnon.
 - c. Pinaagi ning Espirituha nadugtong ang tinuod nga sukaranan sa iglesia sa Tulo-usang Dios—Efe. 4:3-6.
- B. Wala mabahin ug dili gyod mabahin, ang iglesia, ang organicong Lawas ni Cristo; napadayag kining bugtong-talagsaong Lawas sa daghang iglesia lokal diha sa diosnong pagkausa maingon sa Tulo-usang Dios ug sa diosnong kinaiya, elemento, pagkamao, pagpadayag, kagamitan, ug panghimatuod—Bug. 1:11; Juan 17:11, 21, 23.
- C. Ang tinuod nga pagkausa—ang pagkausa segun sa kinaiya sa Dios—malangkobon-sa-tanan, masangkarong pagkausa nga naglakip sa tanang positibong butang—Sal. 23:6; 36:8-9; 43:3-4; 84:1-8, 10-12; 92:10; 133:1, 3b:
 1. Mapahiuli na ngani ang pagkausa, mapahiuli uban niini ang tanang espirituhanong kadato ug ang tanang positibong butang, kay naa man kining tanan sa pagkausa—Efe. 4:3; 3:8.
 2. Atoa ang tanang diosnong butang ug tanang espirituhanong kadato diha sa tinuod nga sukaranan sa pagkausa—Deut. 8:7-9; 12:12, 26-28.
 3. Dili usa ka bahin lang nga pagkausa ang tinuod nga pagkausa; dako, kompleto, masangkarong pagkausa kini, ang pagkausa sa kinatibuk-an gyod—Sal. 133:1:

1 UG 2 MGA HARI

Mensahe 11 (sumpay)

- a. Kining pagkausaha, ingon sa gipadayag sa Efeso 4:3-6, naglakip sa Dios Amahan, ni Cristo nga Ginoo, ug sa Espiritu nga Taghatag og kinabuhi.
 - b. Pinaagi sa malangkobon-sa-tanan nga pagkausa maato ang tanang positibong maayong kagawian ug mga kaayo—vv. 1-2.
- D. Nagpasalamat ug nagdayeg ta sa Ginoo tungod sa panan-awon kalabot sa pagguba sa habog nga mga dapit ug kalabot sa pagpahiuli ug pag-amping sa tinuod, malangkobon-sa-tanan nga pagkausa; pribilihiyo nato nga masayod, makasinati, ug makapahimulos ning pagkausaha diha sa pahiuli sa Ginoo karon—Sal. 133:1, 3b; Juan 17:21-23; Efe. 4:3-6.